

雪鴻吟館詩

韓薰來著



977668

蓋聞桐魚石鼓有叩斯鳴流水高山妙通於隱故雖垢淨
異趣靜躁殊科往往坐對忘言會心不遠相际一笑解人
在茲是以元相臨終遺文盡交白傳荀郎雖少後事竟託
鍾君死生契濶如閩雍門之琴久要不忘請視徐君之劍
此子校雪鴻吟館已畢而不能無感也雪鴻吟館者姊葺
韓君瑤生所著也君以童烏之蚤慧兼瑯琊之多情冰
雪淨其聰明風月助其遐想宜乎拾草芥于青紫黼黻卿
雲主壇坫于東南陵轍顏謝而乃位不過邑宰士元羈驥
足之才年不踰知非龔生以麝臍自伐加之江頭浪惡謠
蛾眉以善淫曙後星孤呼果贏爲類我遂使鼠肝蟲臂競
雪鴻吟館詩序

一

此微名碧蠹紅蟬檢茲賸藁亦可悲矣而離合之故亦有
可言焉湖自翰纔騎竹馬偷度四聲甫辨辛羊學吟五字
而君以齊髡之贅壻隨海客以談瀛於是續署聯譚羊車
共載或極心而改其一字示以前途所經或低首而賞其
數聯許爲後來之秀此予與君以詩締交之始也已而懷
鉛握槩漸廢耽吟刻翠裁紅頗悔少作而君亦出門西笑
壯遊已非捧檄南來爲貧而仕然而折腰未慣仰面爲難
坐此寂寂公府但效鳧趨舉世悠悠下吏難容鵝傲故凡
絲竹之所陶寫山水之所經遊瞻梓舍而白雲在山留棠
蔭而清風滿袖莫不揮斤按律程墨定聲蓋嘗讀西冷倡

和集而知君荃蓀之什窮且益工枳棘之棲久非所願也
無何赤舌燒城青蠅點壁罡風十面烏側翅而不前冷月
一丸蠶含沙而善射栽花已滿拂衷竟行於焉詠陶賦而
歸田奉潘輿而養志亦嘗拾翠弔麗華之塚棹船過侍中
之祠爲憐結綺臨春都歸零落相對金尊檀板同嘆奈何
顧君既玉札緘愁僕亦錦囊才盡以故韓孟城南之句未
及聯吟元白秋雨之篇不聞和作也奈何楚澤離憂文園
善病晉侯之疾如蠱莫施秦緩之功謝傅之厄夢雞徒下
羊曇之淚彌留之頃手此一編見託嗟乎春蠶宛轉尙吐
餘絲秋蜨伶俜往留遺蛻文人結習志士殉名固如是乎

雪鴻吟館詩序

二

雜論

受之期年始謀剗劖非敢緩也誠以志殉黃鶴旋驚

嬰姊之亡翼折鴿原更抱孔懷之戚擁絮而行叢棘里得
何多茹薺而得秋荼酸辛自喻逝者之痛倍切依依身世
之憂尤多惛惛用是吮毫結轡無經汎瀾今者久竟殺青
敢忘加墨聊述笠盟之舊用當弁首之言至其詩之比事
屬詞迴腸蕩魄近冬郎之綺麗無吏部之槎枒則閱者自
能辨之無俟贅言也詞一卷附刊於後文如人亦人如文
要難掩其真氣後視今猶今視昔亦有感于斯言光緒戊
子季夏姻弟鄭維翰謹序

燕南集

辛酉出都歸吳川奉母來保陽隨家君宦轍所至王戎
報罷復歸於此馬跡車塵不出燕上年餘歷錄所作半
金臺左右間檢點行笥存詩四十餘首蓋客中酬贈及
旅邸謠吟業多散漫因錄存爲燕南集


雪鳴吟館詩存

雪鴻吟館詩存

珠浦韓聞南薰來氏著

男八經校字

白下鄭維翰季申參訂



燕南集

臯陽道中遇雨

黃風蔽紅日墨雲飛青天驅車急何適相望生憂煎有邨
不可卽羸馬奔難前雨師驟發令白珠跳水田沙石一時
潔蘆荻森清漣少焉現虹影四顧心悠然輒紅塵不起溽
暑銷成煙卸裝投逆旅剪燭裁新篇播箕勞乍釋及榻尤
難眠顧此亦誰逼徒以微名纏

雪鳴吟館詩存

經賈島祭詩處

丈夫不得志徒效寒鷺鳴身後餘一卷優劣由人評詠歌
寫隱憂知己誰堪呈儒冠著己誤況復蘄微名每思魂常
斷血淚來潑潑嗟哉愧紙筆盃酒空相傾

蘆溝橋示津吏

半篋殘編一布襦幾多長物莫踟躕催科有字慙文吏報
國無財笑腐儒愧我途窮還跋涉憐君氣阻剩聲呼年來
楮墨眞成累待向公家一一輸

瑤瑟怨

湘靈久隔絕素絃常悲秋拂几蕪黃熟未鼓心先愁金徽

玉軫世不辨聲非時尙其甯休蜀山遙楚水悠懷人涼月
侵簾鉤病蛭辭花意何適流螢依草光還幽對此百感紛
心頭不如短篷爲衙謳

花朝作

爲客三千里當春感寂寞不堪風月恨何況又花朝故國
夢初返他鄉魂易銷燕鶯不解事深院語相交

平江張翰伯與敝居相左右偶通欵曲遂訂知交願
南處吳下不之識乃邂逅於三千里外緣亦奇矣
贈此以志

楚舫吳舫溯往遊生憎蹤跡等浮鷗湖山狼藉靈胥恨花
雪鴻恰箇詩存

草螢飛過客愁到眼悲歡原幻境及身窮達尙虛舟與君
一夕談天虛倍覺鄉心不可收

篋中吟稿當金蘭乍得相逢意便歡處境能同交友易論
才過激入塵難故鄉轉作他鄉會新雨灑如舊雨看莫起
天涯無限感比鄰風月好盤桓

生我無端共劫氛幾將書劍學從軍無家豈止悲張儉有
弟眞教羨陸雲獨好清奇應笑我一般淪落轉憐君年來
旅思如春草爲予虛令百感紛

絲風片雨兩難堪身世茫茫百未諳二月韶華羈塞北五
湖煙水夢江南地當朔漠詩都野人爲流離酒不甘話到

激昂搔首處祇將閒恨付優曇

春柳

惆悵東風滿灞橋
灞橋一過一魂銷
遊蹤豈有絲能綰
別恨眞隨絮共飄
如此素姿空落落
者般青眼轉寥寥
衣裳猶是年時樣
愧向天涯折短條

嫩黃淺碧裊煙痕
丰致依稀說白門
吟到柔條懷白傅
比將芳草感王孫
六朝舊夢餘鴉噪
三月新愁警蝶魂
能似青山無恙否
韶華歸去好重論

舊游綽約記蘇隄
碧水紅樓一桁齊
深院斜風招蝶舞
小橋微雨滯鶯啼
欲看眉樣宜金谷
擬詠腰圍合玉溪
憶到雪鴻吟館詩
存

陶潛吟眺處也思買宅五湖西

春色何嘗隔玉關
絲絲金嫩映刀鐮
窮邊古塞人千里
殘月輕風水一灣
張緒過時應自惜
蘇卿去後更誰攀
馬頭盼到柔荑長
知是陽和歲又還

燕臺懷古

曩讀史氏書
動謂燕昭刻
妄議賢豪心
胡可千金得
抑知重君恩
進身豈佔值
劇辛樂毅徒
賢勞因拔識
所啞膺殊賞罔克副
厥職裝裝進
賢冠知能唯
祿食母謂置
層臺寸階皆愧色
驅車適燕郊
俯仰慨胸臆
閱古記微詞
子懷浩無極

又

山光終古自崔嵬論恨論仇總灰白骨已歸誰氏土黃
沙猶指昔年臺千金漫爾評身價大地何人是傑才極目
關河無限感西風殘照寫餘哀

競渡歌

北地沙深水急此戲未聞重午集瓶花拳石齋偶
憶江南此日綵舟霧集畫漿雲飛真有紙醉金迷
之態分賦得三江

君不見汨羅江五月五日鳧飛雙屈原至今豈未死千櫓
萬艣猶復爭濤瀧我生已植起兵燹此景未獲親名邦脂
雪鴻吟館詩存

四

車一自之燕趙燕趙但策驢與驪南人尙舟北尙馬流沙
何處聽淨從朱鞅鈕車獻明媚水調不解吳歛腔作歌不
成動鄉感歸途何日乘輕艤畫船簫鼓非所樂但求一葉
遊平疇我心止水復何競急流如矢心能降落日輕風少
延竝白鷺兩兩來船窗

春暮偶成

韶華似客去難留天遣飄零等泡漚捲起冰紋簾子看亂
紅如雨不勝愁

團扇五排

絕艷佳名字名佳樣亦工式曾摹宋代製又仿隋宮作就

應列竹裁成漫剪桐雲容千縷淨天象四圍空桃葉歌仙
妾梅花畫放翁奩藏休誤鏡箋寄不須筒雅倩青衣執嬌
宜翠秋籠淡描秦女熊輕惹楚王雄暑退蓮塘北香招桂
院東螢階搖閃爍蜨路認冥濛爽氣良宵挹清光薄夢融
寂寥當夜月惆悵忽秋風節候看瀕晚離懷覺太匆言情
紈託素寫怨袖憐紅冷暖雙輪外悲歡一握中影惟堪自
照心欲問誰同舊好留金殿新愁破玉權現身思皎潔化
境悟圓通用舍由斯世炎涼任上穹徘徊虛室對琢句愧
雕蟲

書王母單孺人家訓

雪鴻吟館詩存

五

昔賢傳女箴猶作壺中語茲讀母懿訓涉筆何淒楚奇哉
巾幗身妙諦壽臺椿家庭亦瓊屑諳諳乃爾許用測聖賢
心首重彝倫敘大道肇家人頽風實因舉不謂載道言傳
者乃賢母語不求驚奇媿妮耐舍咀佐以座右銘日夕奠
樽俎母意一何深母言一何鉅彩筆銜文章陋矣曹家女

贈王蓮盦

葆鐔

卽題詩集

愛絕王摩詰襟懷舉世無江鄉經破散心氣尙豪粗把酒
驚時輩論文陋腐儒此身有仙骨應莫笑窮居
具有昂臧態相逢一笑中良朋貧賤密名士古今窮人海
輕餘子天涯感寓公浮生何日達惆悵弔冥鴻

信有不平氣開編百感生古懷空灑落奇趣任縱橫節概
書生重文章亂世輕哀歌誰獨識拔劍一長鳴

莽莽干戈候吾人尚嘯歌江山餘壯志風月託閒哦品自
窮中鍊才非劫可磨側身天地窄爭若老巖阿

聞蓮盦將有所報先此速之

出門久廣絕交論遇子忍教親更親短燭孤牕談永夜春
風秋月感浮塵走數千里常如我隔五百年無此人莫訝
清狂太疎放此中濃淡總天真

貯將千載激昂氣發作滿篇詰屈詞已覺孤蹤無似我何
堪同調更逢伊雞蟲得失自貽笑烏兔午華合共悲博得

雪鴻吟集詩存

六

新吟慰岑寂天涯謬與話心期

移寓楊梅竹斜街雨窗與蓮生敬夫聯此

天地幾知已今宵共燭光甫經安宿榻敬同此話虛堂客

況頻年慣薰浮生底事忙關河苦奔走蓮歲月足徜徉詩

是窮來債敬文餘醉後狂壯心悲伏櫪蓮浪迹託空桑世

亂名何補薰時清念未忘馬周誰賞識敬杜老感蒼茫搔

首雙蓬鬢蓮離懷九折腸乾坤容嘯傲薰意氣盡軒昂投

契欣朋輩敬驚心仍虎狼短檠敲夢冷薰硬句壓箋強屋

漏衾俱濕蓮庭荒草亦香聲飛攬鐵馬薰舞好辨山羊活

火烹新茗蓮雄談佐玉觴更深官鼓肅敬人寂篆煙颺

敘徵斯會薰清吟憶舊章才因飄泊鍊蓮情爲別離傷破

良夜逢良友閒愁共較量薰

歲暮書懷

空庭搔首向長天身世無端任轉旋疑夢疑煙成一瞬可
歌可泣又經年著鞭祖述終人後彈鋏馮驩祇獨憐二十
飄蕭彫兩鬢爲他清淚一潸然

生憎楚客是浮蹤急景催人意緒慵詎道文章堪擊節空
增歲月付飛蓬豪情祇肖詩情淡愁味偏爭酒味濃塵海
悠悠何處岸不堪清夜一聞鐘

畫裏河山鏡裏花念年何者是生涯求仙竊比拖腸鼠入
雲鴻吟館詩存

七

世眞成畫足蛇兵變班超空裏筆江關庾信況辭家蒼蒼
位置渾難測詩酒拚將老歲華

眼底風雲去太忙愧人徵逐少年場燕齊朋輩空今古吳
楚湖山記杳茫幾載飄零如夢幻半生蹤跡賸清狂年來
嘗慣流離味莫道他鄉異故鄉

浪迹眞同野渡舟北來潦倒幾經秋心期枉託傷蘇季骨
相難憑歎馬周白眼儘教當代薄黑頭慙作少年遊不須
杯酒從人借覓醉還堪典傲裘

劫灰赫赫逼江邨回首鄉園樹色昏八月秋懷悲杜老十
年春夢感王孫烽煙祇下遊人淚花草重銷過客魂今日

胥臺又麋鹿玉簫錦瑟怕重論

不關文字太無靈解得牟尼第一經此日功名憑掇取一
身書劍尙飄零熱腸枉自因人赤濁眼翻憎爲我青儘擬
北山終歲臥煙波無那阻歸舫

得如心事太寥寥豈獨名場魂欲銷絕念欲焚傳世研斷
緣猶繫出塵瓢山空羈鶴終難舉天外冥鴻或許招欲借
吳鉤揮萬慮風寒月白舞中宵

豎旗列鼓漫紛紛劄作寒酸笑論文客況孤於天上月歡
蹤淡到水邊雲歌成砍地終嫌謬才出擎天總罕聞我欲
買牛還賣劍櫛風沐雨自辛勤

雪鴻吟館詩存

八

髡頭跣足骨珊珊一笑眞如一懶殘刻意何嘗離世網他
生但祝免儒冠夢迷元鶴空奇想劫遇紅羊亦巨觀十二
萬年仍見我不妨歲月等閒看

絮果蘭因枉夙盟此生猶未況他生鸞迴青嶂春無信雁
過紅牆夜有聲識面並難通蝶夢斷腸不爲聽鯨更天涯
儘有銷魂者比到渠儂恨總輕

阿誰相署信天翁覽到形骸百感叢屢對懷人牛渚月空
聞送客馬當風二年衣敝生微黑一曲簫低和小紅把酒
問心心似水敢將窮達究天公

爲清爲濁兩焉歸落落乾坤我獨非抱柱確知私性誤贈

環奈與素心違年如羊胛過原易名比蠅頭得亦微爭若
江湖容一棹煙波空濶獨忘機

寂寂窮年賦索居干戈滿眼欲何如求名有路慙懷刺問
世無方笑讀書枯竹峻嶒差似我凍梅寒瘦轉憐渠三餘
可惜還難惜檢點新吟祭歲除

和王竹雛

炳輝

奉使居庸諸作原韻

宿安肅

出門意何憚披襟一放歌滌塵裝乍卸題壁墨新磨雪路
人蹤杳霜天雁影多宦遊真欲倦惆悵此經過

定興道中

雪鳴吟館詩存

九

霽雪初融壓輦塵關河潦倒苦吟身無端奔走蘭臺役山
色空濛欲笑人

曉過永濟橋

煙雲擁薊州山色一鞭收大漠風爲剪長亭月作鉤題橋
誰執筆垂釣看披裘一望瓊華島蒼茫起客愁

宿居庸關

三兩起炊煙輕車紫塞前途長思縮地關迴欲分天月冷
瘦龍影雪深驚鳥眠不堪津吏阻聊爲一停鞭

居庸阻雪

不辨山程更水程雪深侵骨粟初生雁過孤嶺同留影馬

踏輕沙欲斷聲大道更無行客過遙空惟有斷雲橫先生
叱馭非無膽地接天門聽吼驚

先生集中有鷄鳴驛題詩尚未成戲先占此

故鄉鷄鳴埭迢遞烽煙阻今涉鷄鳴山萬感森回願先生
至山山神喜磨墨一斗箋一紙曰黃鶴樓崔灑題曰赤壁
賦東坡擬鷄鳴山亦天下奇願拜先生錦囊賜先生至此
非擱筆得句欲令鬼神泣句不驚人負此山噫嘻先生策
馬還

雪鴻吟館詩存

浮槎集

癸亥秋隨侍清漳九月就婚南去自任城放舟由泇水分流湖南陽湖而下渡淮過京口泛海至定浦是爲江海合流處十月始達崇邑按崇城地方百里環無隣界蓋海上一沙洲耳小住半年甲子夏携內子由輪船歸津門鴻雪經年鷗波萬里所作半扣舷倚柁中秋就試京師輒紅十丈亦閱歷萬人海也因滙所作曰浮槎集

浮槎集

辭家

征塵一望海天秋，惡說生平愛壯遊。此去幸猶依故里，幾時重可住虛舟。衣裳線累慈親補，琴劍箱煩弱妹收。南路饑寒應有備，不須調護繫離憂。

重九登任城太白樓

太白樓邊秋水清，太白樓頭秋月明。樓前水月自朝暮，樓外行人自來去。涼風颯颯西北來，楓丹蘋白催船開。騎鯨人杳不可及，我來憑弔空高臺。臺高戍古煙雲滅，驅車客感輪蹄鐵。月華照影影常離，水光盪愁愁轉結。茫茫大塊雪鴻吟，館詩存。

十一

復焉求狐鼠，子生慙不屑。吁嗟乎，旣不能成公之才，投筆從于戈，復不能高公之志，捲席棲巖阿閼，千百年乃承餘緒。爲詩歌，歌成擊節涕滂沱。采石捉月曾幾何，風流逝矣悲長河。城頭臺閣猶嵯峨，浮萍一葉來秋波。往者如斯空坎珂，乾坤羈旅真春婆。光陰過客傷如梳，不如臨江邀月一杯酒，千秋萬歲其由他。

過南陽湖戲仿采蓮曲

湖延綿二百里，水清可鑑紅藕如。田湖上人家，代稻梁以菱芡。予過時，惜在秋深，然萬綠平鋪間，夾殘荷一兩柄，向晚風來，正覺清能沁骨也。蓮舟欸

乃此去彼來綠女紅郎歌聲互
蒼漫製三章亦畧
同俚唱耳

郎采蓮儂采蓮蓮湖風葉鋪田田
采蓮莫動蓮枝葉恐驚
水底雙魚眠

郎住湖上舟妾住湖邊屋綠陰深處一相逢
雙宿雙飛看
不足

蓮花心心何芳藕花絲絲何長芳心願郎不辭苦絲長縮
住雙鴛鴦

渡瓜步寄人

月湧天心浪影圓
艣聲搖破隔江煙
遙思佳客懷行客
知雪鴻吟館詩存

三

在湖山何處邊

薄遊

薄遊歲已秋忽忽三千里
天末仰歸雲相思喟然起

再赴崇沙外舅鄭廣文官廨用杜少陵重過何氏

山林五首韻

自經離亂別千里復琴書兵燹除蓬島桑麻認草廬
片雲停旅雁絕域達飛魚
幽興此間足携家擬卜居

萍梗歎飄泊星霜幾變移
舊巢招燕子佳釀惠鷺兒
留客雲遮幕懷人月滿陂
依稀賓主識小犬吠花籬

撫景懷今昔江天更到時
花歡新結契竹記舊題詩
暢意

諧鷗夢閒愁釋繭絲鼓琴能自適何必遇鍾期
夢短嫌家遠身閒覺歲長吟風消壘塊積雨試旗槍地僻
忘歌舞民疏富稻梁塵鞅慙未已一枕羨羲皇

一自滄桑後奔波幾歲年世情畏荆棘味美林泉擬束
游山展來耕負郭田蒼茫登海嶠百感起潸然

寄畚高月橋兼致鄭叔占兩君於戎幕

蓬瀛惆悵再登臨人面春懷兩莫尋投筆轉憐衣食累寄
書便見友朋心長公雅謔猶如昔平子工愁詎改今海上
雪濤三百里素衷空託廣陵琴

鄉關朔漠各烽煙刻憶音塵動隔年一水相思雲黯淡半
雲鴻吟館詩存

齒

窗幽夢雨連綿曠懷人自誇紆策浪跡携共著鞭惱煞
藥欄開似錦春風催上過江船

留別崇沙兼寄高鄭兩君

集玉溪生句

江間亭下悵淹留王粲春來尙遠遊浮世本來多聚散期
君不至更沈憂人生豈得輕離別年少因何有旅愁唱徹
陽關無限疊不知身世自悠悠

到時冰雪別時春不爲輕陰減路塵刻意傷春復傷別可
堪無酒又無人玉璫緘札何由達錦瑟驚絃入破頻莫向
樽前奏花落浮雲一片是吾身

白海棠

小別東風悵奈何濃情無那付春波
懷人亦有相思樹試問傷心淚孰多

斯世伊誰解淡妝空將名重碧
雞坊投時畢竟輸桃李不獨思人欲斷腸

種得娉婷玉一枝涼雲脈脈雨絲絲
撩人別有銷魂處不語牆陰小立時

一點柔情一縷魂淡煙輕鎖月黃昏
他生再化將離草玉蕊還應見淚痕

到家

携婦海上歸及門心轉眷步履失趨踰寸衷刻萬變上堂
雪鴻吟館詩存

五

朝阿母阿母歡容見不問兒苦辛
先認兒顏面似蓄萬千言匆忙轉吞嚙
告我父于役行亦將歸便盃酒樂家人翻忘風塵倦

吾妹長乃嫂生小共晨夕出門揖下車執手面轉赤新舊
兩難呼無言憶疇昔理我別時裝安我歸來席羹湯未試
嘗庖厨仍先適毋事洗塵筵阿兄常是客客感暫捐除羣
聲喧頃刻

行行三千里言旋歲已換招我舊賓朋
星雲各分散久別意亦親斯言詎河漢
人生聚散緣祇作優曇看離合兩難
悲欲言生浩歎

火輪舟奮同人問

恨不奮飛三萬里此語乍聽皆驚顛觀此番船何奇焉肉
不羽化身已仙急雲蒼茫趨其前恕濤碎湃超其先海天
空際浮炊煙直驚海底蒼龍眠舍舟而觀餘惟天不知滄
海猶有邊以日課里毋俄延縱不得萬亦累于我生箕師
殊無緣馬當之力心何偏蹉乎徒羨人著鞭又恨壺公之
術慳長房而外餘不宣所思天末心徒煎昨涉南陽過百
川大不快意思高鸞蒲帆十幅嗟空懸得此稍足舒心田
但享祝融以甘鮮風師雖猛悲無權嘉爾番人功居巔爾
番船人毋矜喧聖以常製餘皆捐奇器淫巧非無傳曷觀
雪鴻吟館詩存

去

斑氏之木鳶

重九作

我生與秋近逢秋心若爽咄咄繫微名乃使心旌恍寒蟲
鳴空階流螢落暗幌非無遊山屐出門空黃壤高會讌菜
莢惜非糟邱黨吾友廣寒君非時駕難枉擬從東海下飛
符預借清光洗塵想

偕朱月槎晚眺龍樹寺

時月槎將南旋

城隅絕塵俗清景豁雙眸霜露催人老蒹葭生客愁秋懷
淡長笛鄉夢感扁舟蹤跡俱萍梗何時又茗甌
引領南霄雁天涯思若何故鄉息豺虎遊子又關河世味

隨秋減閒愁中酒多輪蹄渾未已空羨老漁簑

出京題壁

霓羽從人唱大羅不須名紙買登科風塵只惜扶輪寡露
水翻憐倒屣多五夜餘懷空寄客半生好夢付春婆銀蟾
莫笑人惆悵別有銷魂在玉河

旅懷

闌干十二夜迢迢腸斷花朝更酒朝別淚欲彈羞蠟燭深
心相贈只鮫綃阮郎從此難垂眼沈約於今更減腰回首
玉臺三百里可能香夢度清宵

燕姬行

雪鴻吟館詩存

七

燕都女兒年十五顏色如花命輕土荆釵生小是蓬門嫺
向西鄰學歌舞玉殿喧傳選豔來忙煞菱花比戶開畫眉
曉月爭螺翠掠鬢春雲鬪麝煤畫眉掠鬢各矜術女兒手
格天然豔久薄潘妃點額妝肯將脂粉輕顏面鈿車絡繹
去京畿錦匣囊琴素手攜蘭門霜葉紅於染不及羣芳樓
顥齊蕊宮姓字傳金勒幾朵蓮花開頃刻畫圖未喻延壽
心可憐筆底理傾國傾國傾城意若何枉將心事託秋波
銅龍滴月知愁重鐵馬臨風寫恨多阿誰得意誇容悅顰
笑逢時終不屑曉妝覽鏡更評量淚珠欲化啼鵲血涼風
颯爽帝城秋夜雨蕭疏百尺樓樓頭風雨淒何似一斛珍

珠萬斛愁絲如繭新寒峭自理鴟絃彈別調四壁蟲聲
一枕悲箇中況味防人笑羽衣女冠來西方雙袖猶飄飄
苑香珊珊知爾非塵骨携手同騎白鳳凰九天仙禁開金
鎖指點紅塵淚驚墮靈山寂寞問三生悔較妍媸心本左
珠簾賣得授丹符從此真修共藐姑回頭怕說傷心處一
任梅花開萬株

無題

秋思無端秋色濃西風有約許爲容金魚屢警三更夢玉
兔潛知五夜蹤猶記香詞酬芍藥竟遲寶鏡照芙蓉團圓
望斷瀛洲月始信蓬山是萬重

雪鴻吟館詩存

六

琴心畢竟負相如學弄朱絃自悔初賺我屢登青瑣闥肯
人枉託紫泥書花箋流露情猶密蓋篋零星誓已虛湖上
死央三十六不堪好夢祗華胥

畚王蓮菴詠蠨戲贈

宇宙億萬里作文重橫行王君誠不世磅礴冠羣英文章
尙三代志下相如名相如卽奇特吉夢非虛評君才乃益
肆調獨臨卽傾濯足徧江海顧腹何澄清所祝貴濟時聲
價秋風爭善養傲霜骨大數恣凌崢小縱毋卽喜小屈毋
輒驚毋受困醫苦毋徒謀稻稭挾此閱當代孰爾雌黃輕
郭索陋餘子伏處供盃羹

白秋海棠

效聚星堂體

簾外鶯聲報曉寒
簾中人悵淚初乾
芳名豈欲傳丹籙
豔影眞疑化碧欄
一粒檀心愁欲絕
半階香夢覓皆難
何因洗盡鉛華態
翻作青衣一律看

送酒人歸月又昏
賞心誰共話温存
風屏莫浪描猩色
露砌眞愁化蝶魂
獨立顏垣疑有怨
相思虛室轉無痕
艷情久已清如水
穠李天桃漫共論

聞道朱顏自古憐
西風從此怕爭妍
齊名色願輸金鳳
再世魂應幻杜鵑
一榻蟲聲疏密雨
半階雁影別離天
芳情試問誰同調
除却梨雲是水仙

雪鷄吟館詩存

九

肯與羣芳鬥麗春
幽姿渾欲避紅塵
能知冷落情纔密
不肯與羣芳鬥麗春
幽姿渾欲避紅塵
能知冷落情纔密
不肯與羣芳鬥麗春
幽姿渾欲避紅塵
能知冷落情纔密

小立愁無那腸斷蛾眉淺畫人

記吾鄉顧秋碧先生有秋海棠名句云此生作婢心應怨來世懷人淚要稀蘊藉風流不愧才人吐屬秋懷同感而落筆奚翅婢學夫人耶附書於此以誌佩門下晚學生韓聞南記

題王蓮菴詩集

詞人尚吐屬所貴
見性眞謫仙矜雄
渾子山工清新律
以楮墨間要無塵
俗塵吾人歷斯世
強半多苦辛
昔賢詩見志此語非虛陳
輕薄安可師
卑鄙安可循
君詩固豪縱
強弩開千鈞
委靡非所慮
期之在深純
讀書貴得養
脩然忘

富貧天風盪我胸落筆如三春正平子建輩過激非儒珍
鍊才以就乾詞氣神乎神接物與言詩體此其堪遵薄言
效芻蕘知君母畦畛

書黃仲則兩當軒集後

一瓣香焚墮淚中枉從燕趙企流風才如不俗原難合品
到能清便近窮薄宦何妨終寂寂華年祇惜太匆匆玉樓
片語差相慰斷簡猶爭萬古雄

蒼蒼生我究何爲青眼天涯幾獨垂腸斷半生空作客心
知千古尙餘誰風雲快意誠難必詞賦留名亦可悲我欲
靈山問因果秋墳才士已累累

雪鴻吟館詩存

歲暮病中作

澆愁有酒不能下把酒向天心自酸涉世每驚逢虎尾累
人常恨是豬肝卅年潦倒情猶昔一病因循歲又闌擬待
月明破岑寂野雲如雪又漫漫

已畏青陽迫歲除不堪貧病逼相如蘆簾作幃兼添纈藥
紙糊窗帶補書聞裏賓朋疏亦密愁中風月實仍虛置儂
畢竟非無地羞學溫郎憤絕裾

贈李詩谷兼送其之京師

用世不可必不若耽詩酒知音不可期不若娛花柳折腰
五斗豈君願宦遊幸閱關山徧驅車一自來京都迷花中

酒無時無我時文戰正憂抑挹君神采心爲舒日下諸君
子皆爲荀陸徒有時花光酒影一相值愁魔避舍如燒符
吁嗟乎人生天地秋蓬轉工愁曷若尋歡善我折將離一
握贈君行願待花開來與餞

雪鴻吟館詩存

三

述原

予自庚午迄乙亥一官需次泛濫西泠其間亦或遠遊然困乎西泠之日多也強學熱官未免東奔西馳作托鉢吹簫門外漢矣苦於衣食無計又未免東奔西馳作托鉢吹簫之行窮鬼當門詩魔避舍故吟詠久不復作迫於友朋之命有所題誌亦概不起草壬癸甲三冬同舟諸君子約爲消寒集集輒綴以詩或詞同人欲付棗梨予亦稍自存檢今年秋放舟鷺湖思蕩煩鬱欲抗音長嘯而把筆神搖覺煙水空茫嗚咽不能成語挑鐙檢行篋得舊詩約百餘章孤蓬無俚抄錄成書其詩已刻入西泠消寒集者多故此

雪鴻吟館詩存

編亦概名西泠集云時乙亥孟冬薰來自編

西泠集

泊瀏河

不盡離人感孤篷夜雨時路遙歸夢短潮落漏聲遲泛梗
頻年事浮槎少日思明朝觀海處聊可破襟期

過崑山

少小嬉遊地滄桑感不禁菰蒲森水末薜荔暗城陰偶泊
賓朋集重來歲月深明朝掛帆候離思復誰吟

王麓樵送行舟次晤艾齡校書

並有江湖恨孤舟驀與逢憐卿正花顏愴我亦萍踪隱曲
傳長笛艾齡善歌子弄橫竹和之生涯記短篷齡時泛舟無定處再來白司馬

雪鴻吟館詩存

能忍淚重重

英雄復兒女天壤有王郎劍氣秋雲薄襟懷白日光尋香
思共楫欵曲記連床揮手一爲別相思天水長

語燕

燕燕爾來前吾試語爾故爾本海上巢逍遙自來去朝餐
飽魚蝦夕飲滿霜露忽飛亦忽伏席地而天幕胡爲來市
廛胡爲榜門戶舊墨尙可棲新巢益難遇茫茫萬井煙誰
實爲爾護不得主人憐生憎童僕攫偶爲鸞鷓扶便遭鴉
鵲妬得意且足傷况復樓無路回首不可歸空作呢喃語

語螿

蟲爾何以鳴爾何不求息爾豈有憂耶其音哀以戚學寡
婦之寒機學詞人之吟筆抑知社公聳鳴之亦無益况復
賦質薄豈有衝霄翼秋陰亦無幾荏苒流光逼胡不伏草
野無聲亦無息曉露共清風餐之飽胸臆絮絮入窗牖將
徒填蟻垤妄欲鳳皇儕甯知鷓鴣雀食淒音徒自憐禦寒資
何力求明不求韜誰其爲爾恤

觀藍田叔苔梅石刻

宋高宗苔梅蓉石在德壽宮今杭城之宗陽宮其
故址也蓉石早燬苔梅明季猶有畫師藍田叔

瑛

摹其小影入石旋經劫火梅又等諸蔓草惟田叔

雪鴻吟館詩存

二

撫刻尙偃臥瓦礫間俗呼其地曰梅花碑雖搗工
時往洗拂然剝蝕甚矣

故宮花草已何之漫把興亡付畫師雨露昔年承北闕丹
青今日重南枝孤根想像成龍去荒礎淒涼賸鶴知剝蘚
捫蘿成一歎春原新綠復離離

雪興短歌步李冰叔

肇曾

元韻

白龍戰罷陣雲圻玉鱗霏霏滿山澤今年苦旱民苦饑誰
向寒廬資斗麥此時爲想朱門貴不解窮年與豐歲貂裘
嫌重豈知寒羔酒圍爐方博醉出門四顧雲滿山交舞梨
花和素鶻瑤京浩淼不可及紗幘此戲非人間就中獨羨

江干叟一釣荒汀和月守醒來一夢共維魚嗟嗟此意吾
何有

題童松君畫梅小幀

錫庚

先生寫梅如寫人花枝肌骨香精神寫成自捋鬚眉照開
我肖梅還自肖梅情愛冷君耐寒腕底揮灑清風搏梅性
特傲君不俗品格何慙仙吏福先生大笑擲霜毫把酒呼
梅當阿嬌花前酌我酒一斗我替梅花祝君壽借酒奠梅
梅不知先生醉倒梅笑癡花耶人耶兩不辨但覺寒香凝
一片願君高勿學林逋他日調羹自補圖

題劉頤百

舜年

別駕獨立圖卽送其之清湖

雪鴻吟館詩存

三

之子非凡品英才舉世無光華自軒冕名譽重寔區過眼
纔三稔頤百年甫三句行蹤已五湖年光羊胛易毋令愧蓬弧

窮達原非計其如事畜何時清還自勵運厄且高歌頤百善歌

世味朝雲薄離情秋水多蒼蒼應不負毋或怨關河

蠖屈方憐我驪歌又送君相思故山月行色隔江雲捧檄

毋辭瘁時權稅局事乘軒願博聞好將別來事他日把盃云

莫漫愁孤立艱辛志益賢風懷刪少日雲詒想中年品自
窮來鍊才從劫後堅丰姿不可量何幸盍簪緣

校書李巧僊年十六性善揮霍有裘馬少年之概負

累致數萬友人招飲見其衣純青縮深碧朱白分

明對之如秋山曉色歌彈詞一折一晤而別舟次
鴛湖月明滿地板觸旅懷賦此却寄

相逢曾記可憐宵夜雨如絲破寂寥不信萍蹤輕聚散惱
人最是浙江潮

一曲當筵百媚生漫噉愁跳却傾城他時若遂東風力一
沈揚州杜牧名

消寒第一集胡杏孫嚴筱南王勉之江秋珊鄧雲泉

沈公衍全飲白少溪厲齋申錫之董松君繪圖紀

事卽席限先韻

用飲中八仙歌體

歲寒何以消窮年主人置酒招羣賢主人爲誰白樂天舉
雪鴻吟館詩存

四

盃屬客無管絃斗酒不限詩百篇依樣惟教歌八仙今人
古人何嫌妍今月古月何嫌媚把酒邀月月照筵似言與
君皆前緣齟齬一笑意何元此意合向君平研君平不卜
成都錢混向人寔作酒顛義之獻之討淵源振筆欲到秋
毫巔江郎負腹何便便沈郎秀骨何翩翩座中佳士皆惠
連試聽胡笳拍最先羣仙高會歡無邊繪圖合並香山肩
申公童公皆龍眠白描滿紙生雲煙我不能飲詩鋒偏對
此皓月心悠然光陰過客祇眼前燒筍惟忝玉版禪

江秋珊招飲走筆和沈公衍韻

酒爲祛愁量轉加新詞再拜合籠紗儘人事業誇才藻任

我謳歌會歲華客況亂如風裡絮常情清似雨前茶匆匆
纔醒關河夢又聽城頭起暮笳

歲莫書懷

短景又云盡天涯思若何歡蹤殘月冷離緒暮雲多不有
驚天作應無斫地歌出門弧矢志昔者已蹉跎
未識今朝是安知來日難獨憐逢盛世不敢恥微官身靜
知時永心平覺境寬塵鞅不可卸爭若夢邯鄲

折梅纔寄驛青旂又迎東令序悲遊子殊方感寓公人還
爭覆鹿我欲託冥鴻翹首重關外春光問可通

家大人牧
蔚州出居

庸關三
百里

雪鴻吟館詩存

五

忽忽五千里勞勞三十年新吟還似水往事漸如煙自笑
猶馮鍊羣看競祖鞭歲寒誰可共祇惜物華妍

願爲明鏡室詠古七律

西施石

大夫何事太逢君生逼蓬門去策勳砧杵聽殘吳苑月紅
絲敲碎越溪雲山留一片悲勾踐水啣干迴泣伍員惆悵
芒蘿邨畔路斷磯荒礎對斜曛

其二

吳越河山並渺茫一拳猶自說夷光鋒稜敢道君難恃砥
柱原非妾可當填海恨深悲杜宇補天才短愧媧皇至今

虎阜崎嶇路斷碣還名響屨廊

文君鑪

憤臯誰襄夫壻窮春山愁對計偏工不灰閒擷同心草入
爨防添燒尾桐詠絮客翰盃泛綠搏泥人轉袖憐紅騎驢
每過臨邛道一路青帘尙古風

其二

不事金釵不翠環一鐙一扇態殊嫺春寒自覺靈犀透香
冷翻教睡鴨閒綠絢難消秋士病紅泥平助美人顏蘆簾
紙帳天然樂一笑王孫是老慳

綠珠樓

雪鴻吟館詩存

六

落葉飛花視此軀洛陽兒女淚同枯明珠有價恩無價白
璧能渝志不渝待月梁空驚燕子登雲梯斷冷狸奴他時
盼盼如相直雙美眞堪補畫圖

其一

珍珠不獨買橫陳畢竟鍾情是季倫倚笛更無鶯和韻憑
欄猶誤鳥啼春珊瑚架冷迷蛛網翡翠空舞燕塵芳草
年年金谷路一回俯仰一傷神

麗華井

愁雲漠漠月娟娟絕代容華劇可憐短綆妾還悲逝水牽
衣人莫笑窺天六宮草長蟲鳴雨三月鶯飛鳥泣煙碧落

黃泉同此恨秦淮春漲總年年

其二

月中仙子舊丰標底事枯骨葬細腰鶻血三更迷北闕燕
脂一點汚南朝梧桐雨濕彫金粉苔蘚雲封拾翠翹莫向
臺城尋往蹟後庭花發更魂消

雪晴

用東坡聚星堂體韻

朔風昨夜吹殘葉欲化不化嶺頭雪開軒不見青山青萬
頃梨雲驚欲絕檐前凍雀噪南枝南枝未開壓垂折蒼官
青士低亞閒大地鋪平羣醜滅起看窗牖射朝曦冰花皎
皎金蛇掣空山偃臥復何人傲冷何嫌衣鶉結強携蠟屐
雪鴻吟館詩存

七

登吳峰濁世掉頭居不屑斯須變幻笑浮雲落落乾坤成
一瞥廣廈不庇寒士顏我有熱腸向天說月明爲念玉關
人此夕寒衾正如鐵

雪後孤山探梅分韻得十三元

西湖何所愛愛者孤山墩水石拗而幽景光寒益溫可以
調素琴可以開芳樽一陽從東來春色滋梅根蠶屐招吾
友來叩林逋門逋仙梅亦仙補種爲後昆層崖千萬枝列
布如雲屯山風送香冷庭月搖影昏更得昨夜雪一觀阿
娜痕杯酒奠東皇巡檐追吟魂吟魂不可追香色誰與論
驛使杳天涯春意傷王孫夕陽下山麓一白空無垠去去

辭幽人回首迷煙邨

遊薛廬懷慰農觀簪

先生大手筆風範最堪師景許遊蹤覽才非俗眼知蘇隄
廬在葛嶺下蘇隄迤上記取孤山路應留去後

碑

不是躬耕地脩然見此廬湖山等閒寂花竹自清癯大地
文章在浮生席幕虛徘徊故園路何日賦歸歎

蠟梅

師雄一夢詎無稽杏子衣衫想像齊欲寄丸封迷古驛空
尋屐迹踏春泥籠雲影誤開金雀暎月香猜綴木犀獨立
雪鴻吟館詩存

八

黃昏成一笑可能移植佐山妻

占得春光先更先素心生怕誤丹鉛十分獨得中央色六
出能爭異品妍妝竟檀郎還剪燭詩成崇婢漫裁牋窗前
細嚼酸鹹味能共清寒祗水僊

別梅詩

僕來武林憊居虞氏直方堂其旁舟屋爲日常寔
坐地爲顏其額曰秋宛軒窗外植紅綠梅各一株
始纔及肩今且及檐感居諸之廢也花時晤對譬
之良朋甲戌歲暮卜鄰他徙兩梅正含苞待展柳
條籐蔓住久依依輕別羅浮恐林逋笑人作別梅

詩丐同人和之

顰生愛花如愛友傳舍舟車靡弗有與梅更作素心交歲寒窗皆共守一官何意泛之江居停有屋明南窗補梅二色當佳客霜嚴月冷盟無雙悠悠聽鼓經年客花自無言人自識儂寒儂熱梅若知如笑如啼視花色寒時或就花下眠翻然一夢仙乎仙熱中或向花前告似憐骨相無塵緣相知相守忽相別此際離悰不可說自傷蹤跡等飛蓬惜爾虬枝空似鐵花耶人耶辨未真從此軒窗別有春花時來作林逋訪視爾寒香作故人

戲題申錫之畫山結隱圖

雪鴻吟館詩存

九

塵世何妨避俗氛生憎泥讀北山文有心若與無心等出岫何殊在岫雲

朱翼卿撒少卿庚午余省親昌黎官廨識於張芷莚

幕府別七年矣客歲聞少卿歸里病亡今翼卿筮

仕來浙出其小照屬題因感少卿兼懷芷莚

燕趙論交記別筵關河回首幾經年高談久下生公拜壯

志還推祖述先

芷莚與余同庚久經握篆頗著政聲

南國花名勢問訊西冷

萍聚亦因緣美人香草銷魂極一讀騷經一點然

圖繪折蘭

卿校書少卿

京旅所歡

此身何處請長纓且把牢愁付酒兵陶令不慙官五斗桓

伊謬弄笛三聲名場何異屠沽夢浮世空嗤蠻觸爭展卷
幾回悲少日客懷渾爲二毛驚

新見白髮

出關岔道壁間步高卓人甥南歸韻

四山雲合匝蒼翠望中迷古刹飛沙外高城落照西歸心
追雁急離思感烏啼不盡征塵意空槽馬自嘶

改錄卓人作

又歷征途苦深林路欲迷明星燦古戍寒月下遙溪山
碎人多健邨荒雞亂啼鄉心何所着愁聽馬頻嘶

西泠柳枝詞

嘉善金眉生都轉原唱入章風流跌宕信爲斲輪

雪鴻吟館詩存

十一

老手後生小子敢並言詩然蟬響高槐蟲吟野草
其音各有寄矣西泠數載似此柳枝其遇其時其
人其境固亦有不能已於鳴者因得全平三十首
和之

靈和殿裡說靈根生小佳人住白門底事移來湖上住禁
煙時節最銷魂

三眠三起太無慘似與春人鬥細腰爭似蕪城二分月碧
陰深處聽吹簫

東風吹綠到湖濱湖上春來別有春不與阿儂解離恨祇
將青眼向遊人

薄采柔萸意自閒
水心亭子綠灣環
嫩黃淺碧蕭騷甚
不
管征人在玉關

短棹波心艤蔚藍
雅栖流水樹粼粼
可憐提倡風流絕
孤
負題詩紀阿男

沾春暢好是蘇隄
錦帶橋東花港西
坐久綠天忘爾汝
黃
鸝啼罷又鶯啼

鎖翠籠煙陰復晴
踏青便道祀清明
忠臣名士佳人輩
得
葬西湖更有名

如雲如水湖中煙
不寒不煥湖中天
兩隄嫵娜綠無際
但
著天桃更可憐

雪鴻吟館詩存

十一

漪菴嬉上采蓮舟
郎打花隄上游
故故柔條幾攀折
偷
從密葉再回頭

蕊雲稽首識仙姿
三竺歸來暮色遲
莫與章臺等閒看
箇
儂身是淨瓶枝

飛茵飛絮感飄零
可有傷春記小青
莫把閒花輕逝水
他
生恐要化浮萍

春風疑不到天涯
古渡空教指若耶
是否吳王宮裡
櫂眉
痕偷樣學西家

牽情未免兩依依
春便歸時胡不歸
儂似飄萍郎似絮
斷
腸相聚復分飛

曉風殘月怯輕寒水色山容取次看一自香車歸去晚更
無人倚碧闌干

濯濯丰姿自逸羣閒懷如月氣如雲繞隄徙倚渾無那彈
指空呼九烈君

冷泉亭畔綠雲鋪肯把西湖易鏡湖千古文章千古事風
流誰更似髯蘇

好同芳草寄行吟欲借微波託素心涼月半鉤星幾點撩
人最是六橋陰

兩三點雨迎朝潤四五尺潮昨夜添好是裡湖新月上孤
山如髻水如奩

雪鴻吟館詩存

三

年年打槳泛鷗波幾度相逢減黛蛾山色不渝人面改東
風底尙舞婆娑

幾枝搖落舊行宮宮外春花着意紅闌盡樂枯飛盡絮受
風始信面宜東

相思相望隔紅牆中有幽人自采芳欲倩流鶯通尺素恐
他人說太輕狂

小小空潭欲羨魚綠雲深處有蓬廬楊花似較蘆花白惆
悵伊人尙索居

夕陽一角曲欄凭人在紅樓最上層九十春光如此樹繁
華誰與悟三乘

晴絲拂拂任風纜隔岸嵐光翠若濤一櫂瓜皮逐雙燕落
花疑似武陵桃

小謫靈籟未肯降空憐天桃世無雙春陰卅六湖邊路別
思空傳笛裡腔

如絲細雨濕春萼若有人兮水一涯前渡迷津何處問負
他月地與雲階

不栽幽谷不深巖管領春遊綠未芟自是託根閒處好不
牽別淚上青衫

巢居深隱水雲均滿地疏陰眾綠交杜宇啼殘春又晚棲
枝何處覓新巢

雪鴻吟館詩存

三

買宅合買湖之隈買田合買山之陔先生種樹隔江澗對
此空題歸去來

吳苑隋隄憶舊蹤逍遙湖上又扶筇年來傷客傷春意寫
入枝頭思倍濃

詠古樂府擬李西涯體

季札劍

難定者死生難憑者友朋信義爲重黃金輕生離死別難
爲情三尺水君所喜三千里我所倚我行未止君臥不起
涿言思之腸斷矣嗚呼劍兮劍兮作有芒爲莫邪爲干將
不能使吾一雪丈夫恥不若從君地下藏大聲呼君君不

理下拜荒墳淚如泚君何爲乎劍在此友朋重生兼重死
吁嗟乎吳季子

伍員籥

丈夫不得志不如爲乞丐斯語聞之乍驚駭寧知草野困
英雄忍凍吞飢亦無奈劍不快籥猶在鳴咽聲參江碎泮
楚山何蒼蒼越水何茫茫一聲一淚天無光吳歛靡靡何
足方吳市滄熒何所藏空憐熱血填滿腔衣贈一束粟贈
一斗不如贈之以匕首雪仇豈憚雄心剖長歌當哭誰解
音解音難得君知否

張良椎

雪鴻吟館詩存

西

鐵已鍊荆卿劍鐵未鈍子房椎擊柱中車皆胡爲平沙無
垠斷梁無津此時四顧心怛怛志有天下無己身存亡呼
吸何足論風聲瑟瑟雷聲殷疾如隼飛如鷹副車一碎
悲失聲孺子可惜功未成吁嗟乎不可必者事功有可信
者心胸成與不成皆英雄至今圯上追芳蹤劉興羸蹶一
瞬中何在當時殺祖龍

欄衝鼓

彌天罪不能數凌雲氣不能吐何以漢之漢之鼓嗟嗟儒
生何太腐北海安得孔文舉漁陽三搥天下傳天下之事
究何補名士沾名徒自苦黠哉魏武蠢哉黃祖

水僊詞四章

檀心一點問誰知小立亭亭玉一枝最是銷魂微醉後冷
香無故襲人時

託根原不染纖塵不賦湘妃賦洛神曲罷倚蘭人不見滿
窗明月畫前身

盈盈一水寄相思不肯爭春著意遲底事梅替兄弟列可
知唐突玉西施

瑤池合同玉僊班依約臨風解佩環試向微波通一語可
容香夢落人間

奉差將行秦淡如都轉招飲虜園卽席呈嘉善金眉

雪鴻吟館詩存

五

生廉訪俞蔭甫應敏齋郭意城諸年丈

暫緩西冷櫂來陪上國卿亭臺懷故舊楊柳自清明此園爲宋
性之姻丈所購往夏曾一遊覽盛會浮生幸良時寄客情詞壇徵宿將秦

系是干城

先生調燮手餘福領湖山心血自千古文章偶一斑感時
花亂發適性鳥同閒若繼前賢勝風流王謝間

補編開南瀕山作吏無暇吟詠罷官後有留別六章姑存於此

送安留別

癸未春罷職將歸六年尸位一旦卸肩從此但求
逋累能清羈縻不受一樣可守百畝可耕尙能侍
養椿護盡吾生所當盡未始非一抑成之也斯城
久守未免依依作留別六章殆亦臨去黃鸝之意

耳

冠簪脫去一身輕從此瀛寰自在行南浦愁人新燕語北
山送我舊鷗盟蛾眉自昔傷奇譖螳臂於今謝苦撐悵斷
韓橋一灣水空傳宗派慰蒼生南韓北韓二橋前明令韓公所造此河直達之江淤

雪鴻吟館詩存

去

塞久矣南曾上八議十六條爲任傑沉中丞所賞極言開濬利便格於中路不行

風波黯黯太無端劇恨名場一注軍飼鶴五年憐署冷聞
鷄十載負窗寒萊衣幸託雙親健粉社還叨四境安好寄
故園親友信菡鱸應爲早留餐詞訟錢糧五年無誤中路請劾無所措詞遂以葫蘆

了一問

卅年急景憶鴛塵回首觚稜百感眞犬馬仍留飲 聖

主兔烏虛擲愧庸臣酬知一劍悲新鬼繼業千編賴後人

歸去自封松竹徑相逢莫說宰官身

讀書讀律兩何師興到中年悔本遲蘭渚空留交甫佩草
堂思步少陵詩三秋病葉嗟先墜五夜哀桐剩獨知多謝

天涯書慰藉故人無奈鬢將絲

江關何處認蓬廬惆悵蘭成賦索居此去羞儕名士鮑他
生莫佩上官魚摸金白笑才原拙銜石人嗤計本疎
一樽愁萬斛漫將心事向空書

果然蒼狗幻雲霞傀儡逢場莫認差殿最王楊應更愧衙
官屈宋敢同誇療貧未蓄三年艾薄宦原如頃刻花問道
逃禪兩無准擬從海客學浮槎

又補編

間南詩有選入湖上消夏集及西冷酬倡初二集者又補於此其已見家刻中不重錄

新閨紙

中外寄耳目賴此一紙紙子貶子褒視主使或者竟子虛

雪鴻吟館讀存

七

或者竟實指道聽塗說斯可矣皇皇朝報錄中間市語雜
鈔如稗史述作不精胡貴此要知朝野情不通此紙傳報
非無功昔者衢巷言悉許干宸聰所貴秉筆秉大公奈何
據此如椽帚一紙新聞爲利藪率意書之殊太苛春秋時
班馬才庶幾閱者無驚猶惜乎主筆無鄒枚

斷碑

信是文沽禍何如沒字佳風雷空響應沙石竟沈埋摸索
中郎恨摧殘太傅懷夕陽荒草外清淚不勝揩

臥鐘

自學希夷臥空山莫問名驚人無大叩混世且銷聲口已

三緘入心還五夜驚何當風雨過猶作不平鳴

冬柳

歲暮矣欲何之飄泊江湖鬢有絲風致早添張緒恨雪
飛眞詠謝庭詩白頭應自憐今日青眼從誰念昔時兀兀
窮年如此樹斷橋寒照不勝悲

漫將搖落怨天涯轉盼春來物便華入社交宜聯竹友渡
江信早約梅花長干日落維魚艇古戍霜飛冷客車書稿
詩情兩高絕試將清意問樓鴉

林尉墓

梅花新補墓門妍始信人間尉是仙死恰逢時須厚福葬
雪傷今惜詩字

大

能得地亦前緣孤忠合繼七十日謂閻典史此姓重香五百年

鶴子不來誰侍莫西風淒冷裏湖煙

蔣公祠

蒼埽紅巾肯畏難獨欽援浙一軍單自應祠宇新吳楚漫
把聲名艷范韓我欲請纓偏之路公何杖策竟登壇來遲
無分瞻幃下拜崇墀一整冠

禽言

行不得也哥哥如今道路多坎坷道路猶勝人心叵南山
網北由羅設機伏穽爭妖魔窮途歧路空淚茫茫何者
安樂窩甯喚我公毋渡河道路多似人心叵荆榛滿目防

風波行不得也哥哥

提胡盧沽不沽萬事何如酒一壺杖頭三百無青蚨何以
潤此詩臆枯高吟忍傍文君鑪鬱鬱困煞南陽徒天涯不
得酒知已夜寒拔劍傷昆吾美人如花隔江水相思遺我
雙鯉魚梁園一病悲相如何以報之青珊瑚吁嗟乎茫茫
世事愁雲鋪不若沽春一醉提胡盧

鳳皇不如我得過且過轉瞬炎涼一身坐得時羽毛張失
時志氣矧顛倒榮枯甯足睡要知耐忍亦大難低首甘心
非計左山陬伏處亦何賢拙不能藏真是禍試觀稻梁之
侶日夕忙何如鏐羽反安臥莫將舞鏡羨羣英出處須憑
雪鴻吟館詩存

九

天意佐

待月詞

明月起東景清景生木末淒絕倚欄人無人識芳躅
裴裒重裴裒清露生幽堦幽堦立幾時月來人不來
花宜借月鮮月似戀花好花月有圓缺如何人不老

三潭魚樂詞

登桃暖絮更苔衣菱藕花香水苜肥但得清流恣放浪春
來何必化龍飛

山光倒影碧層層習靜空潭歲月增風雨也興江漢志恐
他水闊有魚曾

春藻生時鱗甲美秋蕪滿處子孫長
翛然自得天機暢不向長干聽夜榔

波心捲月夜吞珠客亦知夫水月平
莫向濠梁生豔羨可知此境勝蓬壺

集玉溪生句

臥枕芸香春夜闌夜吟應覺月光寒
深知身在情常在相見時難別亦難
子夜欲歌團扇掩東風無力百花殘
紫薇新苑移花處青鳥殷勤爲探看

尋芳不覺醉流霞洞裏迷人有幾家
誰與王昌報消息空教宋玉擅才華
未妨長日饒輕薄少得團欒足怨嗟
憐我

雪鴻吟館詩存

三

秋齋夢胡蝶等閒飛上別枝花

擬託良媒亦自傷古來才命兩相妨
風飈不惜羅陰薄月露誰教桂葉香
萬里獨歸元亮井重幃深下莫教堂
嗟余久抱臨邛渴亦要天花作道場

桐陰柳影仕女圖集玉溪生句

小姑居處本無郎但惜流塵暗燭房
那覺將心憐孔雀時塗抹借蜂黃
空庭苔蘚饒霜露滿院梧桐憶鳳皇
只道相思了無益淡雲輕雨拂高唐

樂游春苑斷腸天忍委芳心與暮蟬
碧草暗侵穿院路玉琴時動綺窗弦
紅樓隔雨相望冷繡被焚香獨自眠
幾日

嬌魂尋不得清尊相伴省他年

秘殿崔嵬拂彩霓碧雲東去雨雲西

是花迷客自迷曉鏡但愁雲鬢改夜吟應訝玉繩低豈知

一夕秦樓客阿閣華池兩處樓

樓上春雲水底天鏡中顏色畫中緣必如漫結無窮恨徐
福空來不得仙半曲新詞寫綿紙五雲春色破巴牋章臺
街裏芳菲伴曾逐東風拂舞筵

喜劉拙庵至用東坡喜劉景文至韻

有客有客聲豪呼入門大笑驚四隅山城斗大正苦寂竄
朋燕樂經年無談詩且與繼坡老使酒切莫師灌夫羨君
雪鴻吟館詩存
筆健骨亦健涉嶺不藉藜龍扶酒酣爲狀海表色陸離萬
態生吟鬚偶然潑墨贈尺素清勁直欲追倪迂我時僅科
苦無計窮愁千斛君來蘇小窗梅花剛吐萼明艷不亞璇
宮姝十千斗酒爲君罄當筵舞袖思昆吾他時試結還山
約不重西湖重沔湖

拙庵刺史別十年矣昨從臺海歸來出大箸見示題

此誌慕

故人天外忽飛來握手翻教百感催作客漫興張翰思臨
民敢告賈生才雪泥蹤跡原堪配風絮賓朋亦可哀竹馬
兒童今老大何當聽鼓又蘭臺

海嶠歸來賸一編
蓬瀛迴溯擬登仙
劫餘事業還堪理
老去文章喜更妍
鷺嶺秋雲懷此日
鴛湖春澤話當年
與君試結宵臺約
多種梅花待我旋

雪鴻吟館詩存

三



1010